

Kayëta ir Şak in Lilaya in

Akayëta aŋo Şak, asëfan abat ar Axwën Yesu, yëgwën babi bërëwâk bën, ðek ang şapërëra këni ed ex Owun or Bërom ak. Paß gë akayëta ano sëyali këbi end ekwëta do gë end bandixa eŋ. Mëŋ yëgwaxën ko mëne: ax gi ex na mocus axayëanaxik an do eyo ŋan ar gë napul an fo. Bëte ayëgw ko mëne ar balëkënalind cale an, kadacëlexo aniw andexëm aŋ, mëne ngëŋ tebëlexo asëk ayeyandërand fo in. Bëte kërexo dafënarand na. Do angëmëne ar şotërak hi ko, diyindëlexo benjekax gë napul irexëm in.

Er ex gër akayëta in:

End orenik do gë oñandi oñëŋënax eŋ: 1.1-27.

End epëb ed bëla el, ekwëta el, do gë bandixa eŋ: 2.1-26.

End ekamën ed eyeyan el do orenik or yaŋ eŋ: 3.1-18.

End ekwëyëta ed ndafënan do gë odenar eŋ: 4.1-12.

End bër gë napul eŋ: 4.13-5.6.

End ebuŋan do gë cale eŋ: 5.7-20.

Ecëmar el

¹ Wëno Şak, ariyenin ar Kaxanu do gë Axwën Yesu Kërisët an, këŋun yëgwënëlinð wën bandëwëra Epëxw gë baki band bulunda ir Kaxanu band yëcarëk baŋ. Aşëma këmun şëmand!

End ekwëta do gë orenik eŋ

² Bëmaÿe bëndam, nëngandërayindëleŋun mbaŋ në end batëy bandanjëm band këŋun ŋatënëgund eŋ. ³ Nangin mëne mondako kën sëyand ebuŋa el angëmëne ekwëta edewën el ga xemëk bayik gër atëy. ⁴ Xarak, ebuŋa el afo ex ŋata andiyen andexëm aŋ en gixën bër gë ola or faÿayak, bër ŧenene gër ex yo, do ŷoweÿ an can na. ⁵ Angëmëne ang hi, abat exo can orenik ol, karaleŋo Kaxanu, mëŋ ar këŋo yëlënd ayël fo ar ex yo, xarak aŋo dexëra ex na; do ayël dëŋ këŋo yël. ⁶ Barikan karaleŋo de gë ekwëta, gë oŋëpëgënan këm gayik ar kë xarand gë oŋëpëgënan an, ang men ond angwëngw ond kë ŧangënënd do kë xaninënd ekoc fo hi ko. ⁷ Ala arako rako an kërexo yëland na ŷeÿ ko ŧot na gër Axwën: ⁸ ar kë sëkwanënd exo tana anjëlan amat fo hi ko, ar kalay-kalay gër dek bandixa bandexëm hi ko.

End axaÿënaxik do gë ar gë napul eŋ

⁹ Imaÿe ikëreceŋ ind xaÿënëk in, nëngandërayindëleŋo gayik Kaxanu këŋo yëlënd or gapak ol. ¹⁰ Barikan imaÿe ind ex gë napul in nëngandërayindëleŋo gayikako në end Kaxanu ko banaxënënd ga nang ko mëne axuca ko xuca ang opëtëfët od ondës fo. ¹¹ Ax gi ex na nde and kë fën eŋan aŋ, oyat oyëkax ok aŋaÿën kë ŋaÿënënd ondës oŋ, opëtëfët ok ex binira do oye orexëm ol ex biw̃? Ata mondako fo ex end ar gë napul eŋ, abiw̃ ko biw̃ gër bandixa bandexëm.

End banaŋëta eŋ

¹² Nəngandəralindələno ar kə buṇand gər atəy an! Enimin, ar buṇak gər atəy aṇ, Kaxanu afupa kəno fupand gə ekamote ed angora el, mēne ngəṇ anıyan and din ir din and bəya ko ayəl kəbi yəl bər ḥan kəno aṇ. ¹³ Ala ar kəno naṇətand an, kərəxo dend na: «Kaxanu ke naṇətənd!» Gayikwa eñəṇəx gematak ax kor na eṇo naṇət Kaxanu. Bəte mən dən ala gabatak aṇo naṇətənd na. ¹⁴ Barikan ala kala gə andexəm ko naṇətayand, and ko yələya gər er ṽandi kəno, do gər er ṽetəyət kəno aṇ. ¹⁵ And ko səf ala oṇandi oñəṇəx aṇ, oṇandi oko kə rəwənd eñəṇəx eṇ, do eñəṇəx eṇ and kə fanəta aṇ ex mələw ecəs el.

¹⁶ Wən bəmaṽe bənd ke balənd mbaṇ bəno, kəren yıfayand na: ¹⁷ oyəl oxəbənənaxik, gə oyəl oyekax or ex yo, yaṇ gər Faba ir bangoḇen kə xaniwənd. Mən axo nəngwətand na, axo doḇənd na. ¹⁸ Gayikako Kaxanu, mən dən faṽək gər eməkw edexəm ex gi mondako, gə eyeyan ed dal el rəw kəbo, ene gixəne bəṽanar gər dek bebər nəcətəgu ko do xwən ko bən.

End ebaxət ed eyeyan ed Kaxanu eṇ

¹⁹ Wən bəmaṽe bənd ke balənd mbaṇ bəno, nangiṇ mēne ala kala gilexo ar ṽandək ebaxət, ar legək eyeyan, ar ax koṽənd na aṽand. ²⁰ Gayikwa oxoṽ or ala ol ax dind na er ex şenene gər Kaxanu in. ²¹ Bəte, ga kən xwəṽətand ako emuyaraxik end ex yo, do eñəṇəx end ex yo, kwətayayin gə onden onjekax eyeyan ed Kaxanu, ed ləgək gər owəkw orewən el, eyeyan ed xorək eṇun pexən el.

²² Këren yifayand na gë andewën, diyindën ari dëŋ ang kë rend eyeyan ed Kaxanu ak, këren baxëtënd na abaxët fo. ²³ Enimin, angëmëne ala exo baxëtënd Eyeyan ed Kaxanu el do axo dīyand na ang kë rend ak, er hi ko ang ar kë nëkonënd dëxas irexëm in në anangoye fo do ko watayand ang hi ko ak. ²⁴ Barikan and ko nëkonaya aŋ, ataŋ exo kwëya ang hi ko ak, and ko ye aŋ. ²⁵ Barikan ar kë yëkwand gër acariya and ţenene an, acariya and kë yëlënd orëyaya aŋ, abalëkënali ko balëkënalind er ko watënd in. Ari ko rind ang kë rend ak, axo baxëtënd na abaxët fo do kwël exo kwëya. Ata ala ajo anëngandëra kë ŷana eŋo nëngandërand gër dek beber ko rind.

²⁶ Angëmëne ala exo yëland mëne ašalek hi ko xarak asëk ayeyandërand fo wër këŋo, mëŋ dëŋ kë yifayand. Ata cale indexëm iŋo ofëcak këm ex. ²⁷ Cale imënëk iŋ, ind ex dāl gër lëngw Faba Kaxanu iŋ ex: edacët ed gër ocëmu bëtox bëndëkak, gë bësoxari bësebetä sebëta el do gë ekwëyëta ed dek betëmbak bend gër ngwën el.

2

End epëb do gë eyaf ed bela eŋ

¹ Bëmaŷe bëndam, epitëndër ed bela ax gi ex na gër ekwëta ed xwëta këno Yesu Kërisët, mëŋ ar ex Axwën ar gë enjaran an. ² Gako bela bëxi eni dīlëli gër amara andewën: aŷanar an exo dënaw anëna and kaŋe, do exo cudaw banjëm banjekax; axinëm an exo gi axaŷënaxik, do exo cudaw mëŋ bëte banjëm bamuyaraxik. ³ Ata

wën enjun bal nēmec end ar gē banjēm banjekax enj do eno pel: «Wěj yow ey ñepa ro gēr ed kēni yēpand bër gapak!» Barikan eno pel axaŷēnaxik an: «Wěj cēŋ yel ey kwēşax fēn!» ba «Ñēpal gēr ebar ro, gēr ed kēme wēñerand ro!» ⁴ Ax gi ex na nde epitēndēr ed bela el ex mondako? Do ax gi ex na nde bēxiti bēsēmbak hi kēn?

⁵ Wën bēmaŷe bēnd ke balēnd mbaŋ bēŋo, awēl nde: Ax gi ex na nde Kaxanu yata kēbi bër ex bēxaŷēnaxik ogēs od bela bër gēr ngwēn ro bēn? Ax gi ex na nde mēŋ yata kēbi eni cotaxēn mbaŋ ekwēta el? Ax gi ex na nde mēŋ yata kēbi eni gixēn šēf gēr owun or beya kēbi bër ħan kēŋo ol? ⁶ Barikan wën, ašēfēnin kēno šēfēninēnd axaŷēnaxik an! Ax gi ex na nde bër gē napul bēn kēŋun rixērand? Ax gi ex na nde bēn kēŋun wēland gēr kiti? ⁷ Ax gi ex na nde bēn ex bër kē renand oŵac oyekax or yēl kēnun Kaxanu ol?

⁸ Enimin, ūenene kēn rind angēmēne ašēf sēf kēn er kē rend acariya and Emun in gēr Oñēgw Omēnēk: «Balindēlexi end ašandax enj ang ki balēnd end gaf irey ak[☆].» ⁹ Barikan angēmēne pit pit kēnēbi fēbēnd bela bēn, awēn kēn wēnēnd do acariya aŋ anēka sēra kēŋun ga lif kēn ako. ¹⁰ Enimin ar kē sēfēnd đek er rek acariya in, barikan exo đif apela amat, anēka lif ko đek acariya aŋ. Ar kē lif apela amat xarak aye sēf ko đek bacēxen baŋ, acariya aŋ anēp kēŋo nēp gayik đek ūapela baŋ lif ko. ¹¹ Gayikwa ar rek: «Ax gi ex na mondi orekar an» fo rek bēte: «Ax gi ex na monaŵ ala». Awa angēmēne wēj ay

☆ 2:8 2.8 Andolewit 19.18

di ex na orekar ol barikan eyo daw̃ ala, anëka w̃endëra këy paḅ acariya aṅ. ¹² Awa mēj ex, yeyandërayindën do diyindën beÿ bën ang bela bër kënëḅi xiti gë acariya and kë yëlënd orëyaya fo ol. ¹³ Gayikwa ar kë xitind gë axaÿënan këm an, Kaxanu gë axaÿënan këm këṅo xiti mēj bête. Barikan axaÿënan in w̃ëñak kiti in.

End ekwëta eṅ

¹⁴ Bëmaÿe, inew̃a këṅo fëca ar kë rend mëne aṣot ṣot ko ekwëta an xarak ekwëta elo ax gi ex na gë bandixa? Afexën nde këṅo fexën ekwëta elo? ¹⁵ Angëmëne imaÿe in, hi ko itoṣan, hi ko itoxari, exo can banjëm band ko ſuḍa, ba exo can er ko yamb key yo key in, ¹⁶ do aḅat ang hi kën ak eṅo pel: «Awa gwëre, yeyin gë emëkw eyemax! Ayem kë yemënd de, cudarayin do yambërayin xali en med!» Gayikako mēj dëṅ aṅo yël ex na er ÿapëk in, ofëcak nde ex na? ¹⁷ Ata mondako fo ex de end ekwëta eṅ: ekwëta ecësëk ex angëmëne ar ṣotëk an ÿoweÿ axo dixënënd na.

¹⁸ Barikan bamat ala kë re na: «Wëj ekwëta el ṣot këy do wëno bandixa baṅ. Masinële ekwëta edey ed gë bandixa këm el, ata wëno gë bandixa bandam baṅ këmi w̃asin ekwëta el.»

¹⁹ Ax gi ex na nde aṵa ṵa këy mëne Kaxanu ibat fo ex? Awa aye yek: bëyël bën bête aṵa ṵa këni eṅo do këḅi rëgëndërand. ²⁰ Ÿandi ki nde ey nang wëj ar gë onden okafëxaf ajo mëne ekwëta ed ar ax dind na bandixa banjekax el gë ofëcak këm ex? Axi ñandi ex na nde ey nang?

²¹ Ay nang ex na nde mëne Abëraxam, axarëk

arebi an dëŋ, në end er ri baxo in hixën ko ar şenene gër ogës od Kaxanu? Ga wëd baŋo asëñiŋ Isak eŋo cađaxa gër angëb. ²² Wat kën mēne ekwëta el do gë bandixa baŋ andamat bax riyenind ex paŋayaxën ekwëta el. ²³ Mondako ħata bax Oñëgw Omënëk od rek: «Abëraxam, ga xwëta baŋo Kaxanu hixën ko ar şenene gër ogës odexëm[☆].» Do në eŋo këno wacaxënënd lawo ir Kaxanu. ²⁴ Watin mēne në end bandixa band ri ko, ko hixënënd ala an ar şenene gër ogës od Kaxanu, ax gi ex na gë ekwëta el fo. ²⁵ Bëte asoxari ar hi bax aŋacaxik ar bano wacënd Raxab an, ahi hi baxo ar şenene gër ogës od Kaxanu në end bandixa band ri baxo. Ga xaca bafi wa bërolawën Bëyisërayel bën do fel bafi eni maŋi fëña işëxe. ²⁶ Angëmēne eman end ala eŋ, onjën kēm ex, ecësək ex. Andamat ex end ekwëta eŋ, angëmēne gë bandixa kēm ex, ecësək ex.

3

End aniŋ eŋ

¹ Bëmaŋe bëndam, kēren gi na fa đek bësëyali fo. Nangin mēne kiti ind biyi bësëyali in gë pit fo kē yēka. ² Biyi đek alif kēne lifēnde bandanjēm. Angēmēne ala ex na ar bayik ax đifēnd na gër eyeyan, anēka faŋaya ko gër or şenene. Axor ko xorēnd exo mēlaya đek eman endexēm eŋ. ³ Angēmēne ayapën kēnēbe yapēnēnde dun opanac ok eni maxënënd eni di er ŋandi kēbo in, gë beman bendeñen ak kēnēbe lasēnde. ⁴ Bëte awat nde wat kën okuluŋ ok:

☆ 2:23 2.23 Añanar 15.6

ado ga rafëk yo, ado ga kë fimërand bongoc botëm fo, gë amërêşaya atil kë xasënd gand ed këņo ŷandi ahëreli an. ⁵ Andamat ex end aniw̃ eņ: ado ga hik esil gër eman, barikan bebësëm kë soşanand. Bëte watin mëne ingodux itil kë şorënd akwët atëm! ⁶ Xarak aniw̃ aņ ex bëte xodux ex, ngwën ind betëmbak ex. Aniw̃ aņ wal ir eman ex, barikan abuyarën kë buyarëñd dek eman eņ, do aşor kë şorënd ola ol gë xodux or kiti ol. ⁷ Ow̃acar or ex yo, hi këni or xada-xada, hi këni or gër men, hi këni bacël, ala an axor xor ko ebi nambin, do ari dëņ ri ko mondako. ⁸ Bari aniw̃ aņ, ala ax kor na ex nambin: eņigënaxik end ala ax korënd na ex; yer ongwëc ond kë lawënd fo ex. ⁹ Gë aniw̃ aņ këñeņo şalende ar hik Axwën arebi do Faba irebi an. Bëte gë aniw̃ aņ fo këñebe xarende bela bër ri këbi Kaxanu gër eñaw̃ endexëm bën. ¹⁰ Në etëŷ ebat kë şanëgund obetak ol do gë ekare el. Awa bëmaŷe, ax ñap ex na ex gi mondako. ¹¹ Në añësa amat nde kë şanëgund men onëngax oņ do gë men ombax oņ? ¹² Bëmaŷe, andan aņ ax dëwënd na oyarëka; atëx and reseņ aņ ax dëwënd na ondan. Gër añësa and men ond gë ongal ax canëgund na men onëngax.

End orenik eņ

¹³ Noŷo renik, do noŷo ex ar gë onden an, mërëxand irewën? Awa ala ajo nëcëtindëlexo bandixa banjekax bandexëm baņ gër ola or şenene orexëm, gë obëngw or onden do gë orenik. ¹⁴ Barikan angëmëne gër owëkw orewën xëñëk wayët oyakëraxi, gë oxoŷ, ba gë ebal ed

gaf irewën fo el, këren dafënarand na. Gayikwa angëmëne mondako ex, end dal eñ kën şonënd nê enëgwêş en. ¹⁵ Orenik olo ax gi ex na or xaniwëk yañ gër orën: orenik or gër ebar ro fo ex, or ala fo ex, or şabucara ex. ¹⁶ Enimin, gër ed ex oyakëraxi do gë ebañër, na fo kē hind bēte bend şode-şode beñ, do gë etëmbak end ex yo. ¹⁷ Barikan orenik or xaniwëk yañ gër orën ol er ex gë owënëk, gë aketëxeta, gë angwëlëra, gë onden, gë axayënan isëm, gë benjekax, gë epitëndër këm, gë orenik or dal, do gë eñëñenax end şonayak këm. ¹⁸ Xarak, bër şenene bën kē nedënd aketëxeta añ gë ola or bëraketëxeta bën.

4

End oxalay-kalay eñ

¹ Feye wa kē xaniwënd batakëra bañ do gë oxeÿër oñ mërëxand irewën? Ax gi ex na nde bebër ñan kën bën kē xaxërend dek eman endewën eñ? ² Er ñan kën in, an cotënd na, ata en dëb gë oyakëraxi ol, eno daw ala; barikan ÿoweÿ an cotënd na. Ata en baş oxeÿër oñ do gë batakëra bañ, bari ÿoweÿ an cotënd na gayik ano karand na Kaxanu. ³ Ado eno kara, añun yakalind na gayik ang kën xarand ak, ax ye ex na. En dixënënd bebër ñan kën këno xarand. ⁴ Ata wën ang bër rind orekar fo hi kën! An nang ex na nde ar ñanëk ngwën an, Kaxanu aşus këno şusënd? Awa ar fayëk gër emëkw edexëm exo gi añan ar ngwën an, awa arangoÿëra and Kaxanu hi ko. ⁵ Ako nde yëla kën are fo kē rend Oñëgw Omënëk ok: «Kaxanu añan ñan këno, xali këno

yakëraxind angoc and yël këbo aŋ exo dëg gër ola orebi aŋ.» ⁶ Barikan oyekax or yël këbo ol rafëk nëmëc, ang kë rend bëte Oñëgw Omënëk ak:

«Kaxanu aŵereli këbi wërelind bër kë rafënarand bën,
barikan oyekax orexëm ol këbi yëlënd bër kë banand bën»[☆].

⁷ Awa mayindën aŵa end Kaxanu eŋ; ɳëpindën end şabucara eŋ, ata këɳun hër caw. ⁸ Tëkayino Kaxanu ata këɳun sëka mëŋ bëte. Wën bëwëndëran bëjo, mënënin otaxan odewën ok, do wunëtın oŵëkw orewën oŋ, wën bër gë benjëw bend kalay-kalay bëjo! ⁹ Nangin mëne and xaŷën kën dëŋ ex, denitayindën, tesindën! Olëş orewën ol nëngwëtal ex otes, do onënga orewën ol nëngwëtal ex ecamina! ¹⁰ Banayin gër lëngw ir Axwën, ata këɳun fela yaŋ.

End odenar eŋ

¹¹ Bëmaŷe, ax gi ex na mondenar andewën rewën aŋ. Ar këŋo renand, ba këŋo nëpënd imaŷe indexëm an, anëka ko renand acariya aŋ, do axiti ar acariya hi ko. Angëmëne axiti këy xitind acariya aŋ, axiti hi këy, ay bo ex na afëb ar acariya. ¹² Gayikwa abat fo ex anëcët ar acariya an, do mëŋ fo ex axiti an. Mëŋ gabat xorëk eŋo pexën ala an do eŋo nemın. Barikan wëj noŷo ngwa hi këy ga këyo xitind ako, aşandax?

End ndafënan eŋ

☆ 4:6 4.6 Andorenik 3.34

¹³ Awa gërëgako baxëtine, wën bër kē rend: «Doro ba ecan gër angol aŋo kēne yeye, yer iniy iŋ kēne ŷëpaxëye fën. Ari kēne ŷana ene dinde bebër kēne ŷotëraxëne napul, do mbaŋ kēne ŷotëraye.» ¹⁴ Er kēŋun hi ecan ecan in, an nang ex na? Enimin, er hi kēn ang okëbina od kē ŷanayand, do kē nekand tēkër fo ex capëraxën. ¹⁵ Ecëñëxët er don rend: «Angëmëne Axwën an aŵa ŵa ko, aliya kēne liyaye, do eŋo gë eŋo kēne ride.» ¹⁶ Barikan gërëgako, ga kēn soŷanarand mēne bebësëm kēn ri, arafënara fo kēn rafënarand. Xarak, etoŷanara end mondako el ax ye ex na gë tēkër ak. ¹⁷ Awa ala an aŵendëra ko wëndërand angëmëne exo nang anang edi ed enjekax el do axo dind na.

5

End bapela band bër gë napul eŋ

¹ Awa gërëgako, baxëtine wën bër gë napul bën! Tesin, keŷin mokeŷ gayik betëm kēŋun wëcan! ² Napul irewën in iwërëk ex, oyame ŷamak banjëm bandewën baŋ. ³ Kaŋe in do gë kodî irewën in ayaner yanerëk. Ata ayaner ijo kē hi osede or kēŋun lëxw gër kiti ol, do aŷas kē ŷana ex ŋasënd beman bendewën beŋ ang xodux fo. Yama gër bakey bapelatar baŋo nde ŷala kēn en gi gë napul isëm! ⁴ Acosa and bër riyenik gër ocënga odewën do yambara kënëbi aŋ, kēŋun lëxwënd mokeŷ. Do otes od bër kē xanand benedfa bendewën ok ŷatëk xali gër banëf band Axwën, mēŋ ar xorëk beŷ dek an. ⁵ Aliya liya kēn gër ebar gë ecotëra ed napul, do

gë bebër këŋun xəbënanënd el. Abët bët kën ang oŵacar or eŋaş fo. ⁶ Wën anëp nöp këno ar ŧenene an, alaŵ laŵ këno, xarak mëŋ abaxo ħëp na endewën eŋ.

End ebuŋan eŋ

⁷ Awa bëmaŷe, buŋayin xali yatir ko bakaw Axwën. Aŷan an aŧeni ko ŧënind ebar el xali ex cënan benedfa bend ko liyaxënënd beŋ. Abuŋa ko buŋand elod gë ecaŧa ebeja xali gë ekol, exo kanaraxën benedfa tęgët beŋ do gë bendundu. ⁸ Wën bëte buŋayindën, kapinayindën gër oŵëkw orewën gayikwa akey and ko bakaw Axwën aŋ đam ex. ⁹ Bëmaŷe, këren đëxwërënd na këdi këŋun xiti Kaxanu. Axiti an cëŋ, gër ebët xwëŧa ko đe. ¹⁰ Bëmaŷe, end toro eŋ do gë end ebuŋan eŋ, tëfëtelinëbi bëlaŵënel bër laŵëndëraw babi Axwën bën. ¹¹ Are këne rende mëne bër buŋa bax bën abeta beta këni. Awël wël kën ang buŋa baxo Yob ak, bëte anang nang kën ang ħata baxo aniyand and yël baŋo Axwën ak. Gayikwa Axwën an gë axaŷënan hi ko, do monënga nënga ko[☆]. ¹² Bëmaŷe, ax gi ex na dëŋ monjaŧaran, hik orën ol, hik ebar el, hik er ex yo. Deyindën tuŋ: «Iyo» angëmëne iyo ex eyakal do deyindën «Ali» angëmëne ali ex eyakal këdi kën hi bër kiti.

¹³ Ala ar kë sorond mërëxand irewën an, calelexo. Ar gë onënga an, ñerëŵëralexo ojëkan od cale. ¹⁴ Ar ŧëxwërak an, macëlebi bëlëngw bër Amara bën. Do bën calenëleno sam eno nëm ogu gër oŵac or Axwën. ¹⁵ Cale ind gë ekwëta iŋ

☆ **5:11** 5.11 Yob 1.20-22

afakën kënjo fakën aşëxwëra an, do Axwën an eño kanin. Angëmëne aŵëndëra wëndëra ko, aseban kënjo seban. ¹⁶ Awa putindën beñëñënax beñ andewën rewën aň, do en calendërend, en pakaxën. Cale ind ar şenene in mbaň fangak. ¹⁷ Eli, ala ebaxo ang biyi ak. Barikan aşale şale baxo kërëx tēb na, do ax tēb bana gër ebar xali xucak bēniy bētas gē opacaw̃ ocongibat. ¹⁸ Bēte ga şale ko gaşëxe, orën ol sēbëk, do ebar el şēnanëk benedā beñ.

¹⁹ Bēmaýe bēndam, angëmëne ala exo nambëra xali exo ŋaw̃ëta dal in, do abat mērëxand irewën eño bakaliw, ²⁰ nangëlexo mēne ar kënjo wērëşët aŵëndëran gër fēña ir nambëra ko an, aracët ko racët aniyān andexëm aň gër ecēs, do beñëñënax bēndanjëm ko laß.

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

8b7902f3-5e35-5b89-86b2-c6da1be458b9